

Abo por **Unifiká** bo mes ku "**Mi ta ku bo**" **Su ún i úniko propósito** pa **Kambia** abo, asina e **esposo i esposa** lo bira **ún karni**, **ún union i ún harmonia** loke ta e **Bon** i **Agradabel** i **Perfekto Boluntat** di **SEÑOR**.

Unifiká ta nifiká bira **ún**, kombiná, **Kambia** bira **ún**. Pa **Unifiká** e **esposo i esposa**, tur dos mester **Kambia**, sino nan lo no por bira **ún union i ún harmonia**, pero solamente nan lo bira **ún karni**. **Unifikashon** no ta un estado, un posishon di yega, pero un desishon pa **Kambia** i sigui bai dilanti. Si nos no **Kambia** nos lo keda **ún karni** i despues di tempu e **esposo** òf **esposa** por bin puntra òf pensa ta esaki ta tur kos? Ta pa esaki nos mester di e **Bèrdat** di "**Mi ta ku bo**" pa nos por komprenché **Su ún i úniko propósito** pa **Kambia** nos, sino despues di 30 òf 40 aña di ta **ún karni** e **esposo** òf **esposa** por disidí pa divorsio, pasobra e **esposo i esposa** no a bira **ún union i ún harmonia**.

Nos Kurpa ta representá **ún karni**. **Nos** ta konsistí di **tres parti distinto**, pero **inseparabel**; **Nos Kurpa**, **Nos Alma** (**mente, boluntat, emoshon**) i **Nos Spiritu**. Ora **Nos** no konosé **Yeshua, Mesias**, **Nos** prinsipianan ta drei rondó di **Nos Kurpa** i alimentashon di **Nos karni**. No ta asina ku **Nos Kurpa** di ningun manera **no ta bon** òf tin **maldat** den dje, pero simplemente **Nos Kurpa** tin nesetidatnan **karnal** ku e **Kurpa** kièr pa wòrdu satisfasé. **Nos Kurpa** kièr asina tantu **plaser** ku lo mínimo na **doló**. **Kontrario** na **Nos Kurpa** su nesetidatnan **karnal**; **Nos karni**, **Nos** mester **disipliná Nos Kurpa**. **Disiplina** ta ora **Nos Alma** (**mente i boluntat i emoshon**) presentá i bisa e **Kurpa "no"** òf ora **Nos Alma** (**mente i boluntat i emoshon**) laga **Nos** hasi kosnan ku **no** ta **benefisioso** pa **Nos**. Si **Nos** skohe pa ta **ún karni** so, e ora ei e **esposo i esposa** no ta bira **ún union i ún harmonia**.

Nos Alma ta representá **ún union** i pa **Nos Alma** (**mente, boluntat, emoshon**) bira e realidat di **ún union**, nos mester **Transformá** nos **mente, boluntat i emoshonnan** manera ku **Dios Tata Su ún i úniko propósito** ta bisa. **Nos mente** ta yuda nos den tur kos riba e **mundu** aki, pasobra **Nos** no a bai skol pòrnada, pero **Nos mente** por ta stroba nos ora nos tin ku hasi òf disidí kosnan spiritual. **Nos emoshonnan** ta un parti di nos **Alma** i nos mester sa ku nos tin un **boluntat liber** pa disidí tokante kon nos ta **Transformá** nos **emoshonnan** i pone nan den **ún union** ku **Yeshua, Mesias**. E **esposa** su **mente** ta funshoná na un diferente manera ku e **esposo**. Tambe e **esposa** su **emoshonnan** ta manifestá na un otro manera ku e **esposo**. Tur esaki tin di aber kon **Dios Tata** a traha e **esposo i esposa**, ku e intenshon pa nan bira **ún union**. E **esposa** no ta meskos ku e **esposo físikamente**, pero tambe **mentalmente** i **emoshonal** tin hopi diferensia. **Amor** di un hende tin hopi resistensia i por soportá hopi, pero ta yega un dia ku e **mente i emoshonnan** ta surpasá e **Amor** di hende, si no tin **ún union** i **Nos Alma** no ta alinia ku "**Mi ta ku bo**" **Su ún i úniko propósito**, e ora ei **nos boluntat liber** por disidí di skohe otro, pasobra e **esposo i esposa** no a bira **ún union i ún harmonia**.

Nos Spiritu ta representá **ún harmonia**. **Nos Spiritu** a wòrdu duna na nos dor di **Dios Tata** (**Génesis 2:7**) i ora nos fayesé e **Spiritu** ta bai bek serka **Dios Tata** (**Eklesiastés, Predikador 12:7**). **Nos Spiritu** ku ta bini di **Dios Tata** ta trese **ún harmonia**. **Dios Tata** ta **Amor** (**1 Juan 4:8 & 16**), **Dios Tata Su Spiritu** ta **Amor** i kaminda tin **Amor** tin **Lus**. E **Lus** di **Dios Tata**, ku ta **Amor**, ta kore ku tur skuridat asina ku e **esposo i esposa** por biba den **ún harmonia**, e **ún i úniko propósito** di **Dios Tata** su **Amor**. Dor di **ún harmonia** e **esposo i esposa** ta emití e **Lus i Amor**, ku ta e **Lus i Amor** di "**Mi ta ku bo**" den bida di e **esposo i esposa**.

Asina sea, bira, keda i ta e **esposo i esposa** ku ta **Unifiká** den **ún karni, ún union i ún harmonia** loke ta e **Bon** i **Agradabel** i **Perfekto Boluntat** di **SEÑOR**. **Esposo i esposa** mester ta **Unifiká** den **Kurpa, Alma** (**mente, boluntat, emoshon**) i **Spiritu**. **Esposo i esposa** mester bira **Unifiká** den tur faseta di nan bida loke ta un proseso ku no ta terminá. Si e proseso di **Unifiká** e **esposo i esposa** mester terminá, stanka òf faya ta un **Problema** grandi.

Esposo i esposa ser **Unifiká** den **ún karni, ún union i ún harmonia** den nòmber di **Yeshua Mesias**, manera e **palabra** (**Génesis 2:24**) ta bisa, pasobra **palabra** di **Dios** ta bibu i poderoso. E **palabra** di **Dios** ta kòrta mas skèrpi ku un spada ku ta kòrta tur dos banda. E **palabra** di **Dios** ta **penetrá i Unifiká** te na e punta kaminda **Alma** i **Spiritu**, manteka di wesu i wesu ta mishi ku otro. E **palabra** di **Dios** ta analisá deseo i pensamentu di e **esposo i esposa** su kurason (**Hebreonan 4:12**).

10 febrüari 2017

Sea Bendishoná den e Amor di Yeshua Mesias

Rev. Remsly L Riley